



談老

上

DEB
1641
/



談老序

老子之為道也深奧所因大所取有宗其文奇其句險有難解從容簡諒有易知絢錦其衷杞此其實以覆露其真以鼓舞繪炙後人是故難相猶荆璞宜哉天下欽其寶不知其真或以為道家祖或謂異端無王人哉若遇而磨得丕顯其真所光豈唯連城乎將輝四海外享皇天鬼神禳災除害以安兆民蓋老子觀周道濱於殆墜侯王欲背棄先王之典度汝聰明以治其民士大夫失格物之道智計以爭善然故欲治而亂求忠而佞人之迷其日固久矣不可救藥焉於是予斷焚曰絕學無憂絕仁棄義民復孝慈自然無為為家言自然即是



順承天之謂也無為即是守先王之典度不敢作
聰明亂舊章之謂也吾竊有觀于茲為之注解命
曰談老子三子因尋言益摩之則滑稽之際有字
光亨終知太觀在上其月士大夫大夫大夫大夫
安非月蓋去子賤周道實然或劉王始背棄夫
卸車於平林賦四或十享皇天與軒輶必利善以
時異無無王入若去豎而發野丹行藏
實宜若天不難其實不味其真如以善道卷財友
實以費霸其真以幾無餘矣對人多姑轉所前件
向劍有鎮稱於容簡結育長味臨離其東計凡其
夫于之為道也亦與河因大河軍育宗其又吾其
楚安亭



談老上與若英子談其言言其言其備不
道可道非常道名可名非常名無名天地之始有
名萬物之母故常無欲以觀其妙常有欲以觀其
徼此兩者同出而異名同謂之玄玄之又玄衆妙
之門又各言其長夫夫之文章雖有貴在出與不
仲尼曰五十以學易可以無大過矣然則非易
不能盡天下之至動至蹟而言行無悔以免神
人之咎可知也此道也雖貴則貴矣非至精至
神孰能與於此云則中人以下非可庶幾也况
可向編戶民說乎故古之聖人觀天地之至動

至蹟於易而作為禮使天下億兆人由禮以云
動以言行無悔免神人之咎以全性命是以君
子尊之然然是亦救世中之八九而已其一二
有不可如何者有焉何也性與命天道與時勢
也是以忠孝者名教之大物也忠孝以得罪於
君父者有焉是夫子之文章雖可貴至性與天
道非文章所得而盡也於是乎卜筮以質諸鬼
神則其受命也如嚮死有遠近幽深遂知來物
而進退施予則百發百中無有後梗所謂人謀
鬼謀天下之能事畢矣悲哉庸主之頑且固也
惟是禮樂欲以盡聖人之道極天下之至動至
蹟童觀哉老子深哀矜其管管殊高尚其識或

謙或激或大或微或反或奇簡古其辭可解不
如可解以鼓舞後生欲使之欣羨踊躍及道可道
也是老子之大體也故曰道可道非常道道者
音一陰一陽之謂道之道即謂易也常道者謂禮
樂也名可名者乾坤屯蒙六十四卦是也常名
者忠孝仁惠許多名物是也大衍數五十安見
所謂名者乎故曰無名天地之始十有八變卦
成卦名生此名體天地之撰彌綸天地之道故
曰有名萬物之母為易之道勿正心勿忘真觀
者也故曰常無欲以觀其妙常有欲以觀其徼
徼者徼塞之徼猶言天倪也天倪猶典常傳所
謂初率其辭而揆其方既有典常是也常無欲

常有欲共出自負故曰此兩者同出而異名兩
者之際觀其微之幾在要妙故曰同謂之玄玄
者天色也黃者地色也在染正六入之謂玄玄
者黃之漸成也故予解為要妙玄之又玄衆妙
之門者深贊美易之辭也
天下皆知美之為美斯惡已皆知善之為善斯不
善已故有無相生難易相成長短相較高下相傾
音聲相和前後相隨是以聖人處無為之事行不
言之教萬物作焉而不辭生而不有為而不恃功
成而弗居夫唯弗居是以不去
美者人之所好也而自美其美則人惡之美而

見惡何美之有即是惡已宋逆旅妾是也故曰
天下皆知美之為美斯惡已夫好學尚賢者天
下之善也然而自善其善招凡之嚮疾者曹植
是也故曰皆知善之為善斯不善已斯如聞斯
行之斯也故者猶言所以然者也富役貧貧食
富相為君臣相為主庸故曰有無相生生者謂
生產也凡事有始于難終于易有始于易終于
難甲之難乙之易紂之敗武之成也故曰難易
相成棟梁株橈相待夏屋較成故曰長短相較
山興雲川洩潦田疇以稼天下得其利故曰高
下相傾宮商細大以合八音神人以樂故曰音
聲相和無前後何以置人于周行故曰前後相

隨然則天下無棄物又何為卑是以聖人為無
為之事行不言之教此以下皆天德而聖人則
之也天何言哉天何為哉日夜圓轉不休四時
錯行不謬麒麟又生焉豺狼又生焉故曰萬物
作而不辭一毫無不天為天有而未嘗曰吾能
生萬物吾能有萬物也故曰生而不有為而不
恃成功如此其廣大大然而未嘗居其功故曰功
成而弗居夫唯不居是以不去王天下者業吾
業如天之圓轉無他事是謂為無為之事行不
言之教也為者母猴也其性好爪故文从爪訓
作造訓與訓助然則無為者不敢預他人之事
之意也老子一篇無為之為皆然矣

三章

不尚賢使民不爭不貴難得之貨使民不為盜不
見可欲使心不亂是以聖人之治虛其心實其腹
弱其志強其骨常使民無知無欲使夫知者不敢
為也為無為則無不治
傳曰貴有常貴賤有等威仲尼曰晉國將守唐
叔之所受法度以經緯其民卿大夫以序守之
民是以能守其業貴賤不愆所謂度也尚賢之
道自在其度中也後世人主失此度慢言吾能
尚賢吾能舉側陋於是子姦佞臣御樹黨比進
互相為仇讐人主為天下逋逃主萃淵藪戰國
末最太甚秦孝之於衛鞅始皇之於李斯况於

張儀帶六國印乎其歸至同寮毒殺親戚殺害
此皆誤尚賢之道之故也其幾兆於春秋末尚
賢之道不易知又不易說故敷言曰不尚賢使
民不爭是醒睡覺迷之術不得不然矣後人不
解事聞不尚賢則瞠若阻乎曰異端哉異端哉
是諺所謂談者工聽者拙也上貴難得之貨則
民效奢侈奢侈則財用不足不足則盜故曰不
貴難得之貨使民不為盜旅獒曰不貴異物賤
用物民乃足其歸同矣易曰慢藏誨盜冶容誨
淫是使人心亂之故也故曰不見可欲使心不
亂是以聖人治虛其心言使不爭不盜不亂也
實其腹者足食之謂也人之所志富貴利達求

在外者不可必為宜順承天故曰弱其志脩德
勤業求在我者宜則于天行健自彊不息故曰
強其骨民可使由之不可使知之者為使民無
知也使甘其食美其服安其居樂其俗者為使
民無欲也秦漢以來以知為政縣官所作姦吏
先得其利是棄典刑以知之敝也聖人不然唯
是典刑惟由雖有知者無由用知也况姦吏乎
故曰使夫知者不敢為也為無為則無不治

四章

道冲而用之或不盈滿兮似萬物之宗挫其銳解
其紛和其光同其塵湛兮似或存吾不知誰之子
象帝之先

道沖而用之道者一陰一陽沖猶言空也道之
行自人觀之則似有不足故曰或不盈雖似有
道不足而萬物無不生于茲故曰淵兮似萬物之
宗宗者族之所出故謂道為萬物之宗也挫銳
解紛是道之所為也和其光同其塵者言道之
為物不顯然也雖則不顯然不可曰闇故曰湛
兮似或存也道先天地有焉則生道者誰故曰
吾不知誰之子也象帝之先者指大衍數五十
也

第五章

天地不仁以萬物為芻狗聖人不仁以百姓為芻
狗天地之間其猶橐籥乎虛而不屈動而愈出多

言數窮不守中

天地不仁以萬物為芻狗言觀天地以萬物為
芻狗則如不仁也不曰如若似而曰不仁者文
例與君子之德風小人之德草同矣吾請語其
略夫天地之生萬物也其德雖在作而不辭至
生蠶衣人生五穀食人似愛重人也人知天惠
迪而夙興夜寢以桑以蠶將為繭日蠶疾流行
則千曲簿一旦為泥無有子遺其於五穀也寒
菓夏耨霑體暴膚盡四支之敏將待秋施汝鎌
刈如何或旱魃為虐或暴風暴雨不崇朝無遺
種于是畎畝因此觀之則似愛重萬物不愛重
欲盡其情狀故芻狗為譬也不可為土苴之者

也夫芻狗之為物盛以篋衍巾以文繡尸祝齋
戒以將之及其已陳也行者踐其首脊蘓者取
而爨之取義於茲聖人之道則于天故其之於
百姓亦如芻狗孟子曰治地莫善於助莫不善
於貢貢者校數歲之中以為常樂歲粒米狼戾
多取之而不為虐則寡取之凶年糞其田而不
足則必取盈焉為民父母使民眈眈將終歲
勤動不得以養其父母使老稚轉乎溝壑惡在
其為民父母也孟軻之言勃窣可聞也貢者禹
之政也孟子以為虐即是以聖人為不仁也殊
不知聖人之不仁者仁之至也孟子之仁者不
信仁之至也要之聖人之仁不仁後人何得論焉

宜默從聖人也聖人則于天後人則于聖人不
亦善乎是老子之大意也而激言曰天地不仁
以萬物為芻狗聖人不仁以百姓為芻狗醒睡
覺迷之術也籥者橐之管也橐籥之用而風生
焉其體雖虛而用之不屈動則風生愈出愈有
天地之間其生萬物也亦然然則聖人之於天
下亦猶鍛師鼓橐籥業吾業而無他事則萬民
各得其所故曰天地之間其猶橐籥乎虛而不
屈動而愈出不屈猶言不窮也言語法令皆言
也多則自窮故曰多言數窮不如守中也守中
則得他日從事變而左右

谷神不死是謂玄牝。玄牝之門是謂天地根。綿綿若存用之不勤。
此章語鬼神之所存也。谷以形告之玄以色見之。牝以情狀喻之。玄云牝云門云不知之非存也。知養正之孝享也。而右得此章之解。苟有知之者吾請為之執鞭。
天七章問其生尊也。亦然。然則聖人以其不自生故天長地久。天地所以能長且久者以其不自生故能長生。是以聖人後其身而身先外其身而身存非以其無私耶。故成其私。
老子何以知天地所以能長且久者乎。由其不自生逆數知之也。天地陰陽相交而已非刻意。

于生萬物而萬物之生自開闢而來至今不止。故曰以其不自生故能長生也。是以云云者言聖人則于天故然也。聖人之王天下必先諸民其唯先諸民是以民推戴之。故曰後其身而身先也。有殺身成仁。故曰外其身而身存也。分天下封建諸侯諸侯為吾有。故曰非以其無私耶。故能成其私也。
上善若水。水善利萬物而不爭。處衆人之所惡。故幾於道。居善地。心善淵。與善仁。言善信。正善治。事善能。動善時。夫唯不爭故無尤。
美加口謂之善善者千萬人所甘受也。孟子曰

可欲之謂善是也。上善猶言無尚之善也。善地
善淵皆效之利萬物居下卑水之性德也而未
嘗與物爭故。庶幾老子之所謂道也。上善人其
居如水處下卑故曰居善地。淵德名如秉心塞
淵之潤猶深唯曰深則嫌深刻故曰心善淵仁
如水利萬物故曰與善仁言之有信如水行險
不失其信故曰言善信言信之善非白公復言
之比也。正物如水準高下得平故曰正善治夫
水之為德也柔弱而以灌則固城可復于隍上
善之能如此故曰事善能易曰習坎重險也水
流而不盈行險而不失其信維心亨乃以剛中
也行有尚往有功也。詩待時善而動也故曰動

善時君子無所爭爭為凶德上善之人如水故
曰夫唯不爭故无咎。不爭與曰爭與曰爭與
九章曰。上善若水水善利萬物而不爭居
下而取。居下而取。居下而取。居下而取。居下而取。
持而盈之不如其已。揣而銳之不可長。保金玉滿
堂莫之能守。富貴而驕自遺其咎。功遂身退天之
道。廣淵無底。上善若水。水善利萬物而不爭。居
下而取。居下而取。居下而取。居下而取。居下而取。
福祿浮于器必溢欲持盈莫如不至盈故曰持
而盈之不如已。揣者磨厲興起之意也。錮之堅
磨厲興起使之銳。雖銳利可貴觸物必折故曰
揣而銳之不可長。保持盈者以器言之。揣銳者
以才言之也。金玉滿堂莫之能守。天道戲盈而
益謙之故也。與持盈句映發矣。驕為凶德仲尼

三官皆有雌雄口官言與食也言者乾道也食者坤道也故知所謂雌者飲食是也目官見見利雄也懼害雌也耳官聽也聰能聽仁者之教順德之者雌之事也聞諫言拒之若忿怒者雄之驕也故曰天門開闔能為雌乎明白四達猶疏通知遠為字釋見于前生之畜之生而不有為而不恃長而不宰是謂玄德是天德而聖人則之宰者宰制之宰也

十一章

三十輻共一轂當其無有車之用埏埴以為器當其無有器之用鑿戶牖以為室當其無有室之用故有之以為利無之以為用

此章語非貴有才能貴用才能也三十輻共一轂於是乎車成雖則成待無車者之求而右為車之用若無用之者則與枳楸何擇哉埏埴之陶無用之者則與毀瓦何異哉戶牖之室無居之者與巢窟何別哉然雖有才能者無用之者則與鄉人何擇哉故人君之患不在無才能在不能用才能也

入十二章
五色令人目盲五音令人耳聾五味令人口爽馳騁田獵令人心發狂難得之貨令人行妨是以聖人為腹不為目故去彼取此
三歲兒視之以五色則必取赤食之以五味必

嗜甘奏之以八音則必樂鼓是耳目口之性也
既而年漸長至五色之淫好間色八音之淫不
納教五味之淫嗜辛苦者失耳目口之性也失
性即是盲聾爽也故曰五色令人目盲五音令
人耳聾五味令人口爽也龍之為物獨自奔詣
不聽使令駕御自人觀之則如充耳也故文龍
耳為聾有窮右者馳騁田獵之狂也書所謂不
作無益害有益功乃成玩物喪志乃難得之貨
令人行妨之故也去彼者不為目也取此者為
腹也

十三章

寵辱若驚貴大患若身何謂寵辱若驚寵為上辱

為下得之若驚失之若驚是謂寵辱若驚何謂貴
大患若身吾所以有大患者為吾有身及吾無身
吾有何患故貴以身為天下若可寄天下愛以身
為天下若可托天下

此章文辭險難不易攻是以註者誤其解寵為
下句異本作寵為上辱為下今從之於文例寵
得曰失辱不可曰失也然則得之言得辱也失
之言失寵也夫脩身慎德得天寵免人辱之道
也脩身慎德則此物不宜至焉而至矣故若驚
也寵辱若驚者形容言行無擇之人之語也何
謂貴大患若身貴猶言重也夫人之有大患為
吾有身之故則身貴於大患可知也重大患若

重吾身則不敢以天下徼倖故曰貴以身為天下若可寄天下愛以身為天下若可托天下後世為天下者輕吾身輕吾身故輕大患輕大患故敢以天下徼倖鼃錯其魁也而王榮姑誤

十四章

視之不見名曰夷聽之不聞名曰希搏之不得名曰微此三者不可致詰故混而為一其上不皦其下不昧繩繩不可名復歸於無物是謂無狀之狀無物之象是謂惚恍迎之不見其首隨之不見其後執古之道以御今之有能知古始是謂道紀

此章語幽冥之中有物也其為物無象故不可得而見也無聲故不可得而聞也無形故不得

得而搏也夷希微三者不可深詰問故混而為一一者指幽冥中之物也必為有物也善人不必祿淫人或時免故曰其上不皦皦明也執為無物也僅為不善則其罰立至有焉故曰其下不昧下抑下之也繩繩猶綿綿終不可得而名則似無物故曰復歸於無物也雖則無物然而灼龜揲蓍則桑林見康叔言故曰是謂無物之象也惚恍言如有如無乍顯乍隱之狀也迎之不見其首隨之不見其後者語鬼神之不可得而見也然則為之如何惠先聖之迪而已故曰執古之道以御今之有能知古始是謂道紀

古之善為士者微妙玄通深不可識夫唯不可識
故強為之容豫兮若冬涉川猶兮若畏四隣儼兮
其若客渙兮若水之將釋敦兮其若樸曠兮其若
谷混兮其若濁孰能濁以靜之徐清孰能安以久
動之徐生保此道者不欲盈夫唯不盈故能蔽不
新成新成
古之善為士者微妙玄通深不可識者言其變
化如龍故不可識也夫唯不可識故敢形容其
跡曰豫兮若冬涉川猶兮若畏四隣涉者徒踰
小水也冬涉畏四形容善士有所猶豫之意也
行已也恭居處恭故曰儼兮其若客感而通天
下之故唯變所適故曰渙兮若冰之將釋不欲

榮觀故曰敦兮其若樸寬大無不容故曰曠兮
其若谷武王克商遷鼎于洛義士猶非之故曰
混兮其若濁有時乎天下視其清故曰孰能濁
以靜之徐清君子所居而安者易之序也所樂
而翫者又之辭也故曰孰能安以久動之徐生
天道虧盈地道變盈鬼神害盈人道惡盈故曰
保此道者不欲盈也新成也者盈之道也故曰
孰蔽不新成蔽者秋草得霜勢隘委頓之名也
訓委棄可也言任其蔽也

十六章

致虛極守靜篤萬物竝作吾以觀復夫物芸芸各
復歸其根歸根曰靜是謂復命復命曰常知常曰

明不知常妄作凶知常容容乃公公乃王王乃天
天乃道道乃久沒身不殆
其致虛極守靜篤致者如致毀之致也極窮也守
者不敢失也萬物并作吾以觀復物者事之胚
動也故凡事未可以右謂之物也在易復彖曰復
新亨剛反動而以順行是以出入无疾朋來无咎
反復其道七日來復天行也利有攸往剛長也
復其見天地之心乎復之為道也已先衆復而
不責人之迷復是謂剛反動而以順行於是乎
彼衆來復故曰萬物并作吾觀復也言吾於復
乎觀之夫物芸芸各復歸其根芸芸物生許多
貌雖則許多無物而不復歸其根故曰物芸芸

各復歸其根知其歸根而剛反不動故曰歸根
曰靜是謂復命復命者言復吾命也復命則知
天常知天常則其德明故曰知常曰明序卦曰
復則不妄矣故受之以无妄今云不知常妄作
凶即是无妄行有青之謂也知常容容者容衆
之謂也容乃公君陳曰有容德乃大大也故能
公也惡于宋而保于衛者不可曰公也好而知
其惡惡而知其善以天下之惡為一者所謂公
也於是乎自西自東自南自北無思不服是謂
王德故曰公乃王此人也與天地合其德與日
月合其明與四時合其序與鬼神合其吉凶先
天而天弗違後天而奉天時故曰王乃天道者

出自天故曰天乃道道者言先聖之道也從道者長久不殆故曰道乃久沒身不殆又曰常也明也公也王也皆德名也與天與合其與曰

十七章

大上下知有之其次親而譽之其次畏之其次侮之信不足焉有不信焉悠兮其貴言功成事遂百姓皆謂我自然

大上猶言最上也大上下知有之者堯之天德蕩蕩民無得而稱之類是也其次親而譽之者漢文和戎薄斂儉身務施民親譽之類是也其次畏之者漢武以刑法威權制下之類是也其次侮之者桓靈鬻官速侮之類是也雖信鬼神

而其信不篤則不能觀鬼神之妙靈也故曰信不足焉有不信焉治天下之要有一貴言其維何曰功成事遂百姓皆謂我自然言使百姓不知帝之力也莊周知之故有鑿飲耕食之歌也悠者悠遠不可量之意形容貴言深高之趣也

十八章

大道廢有仁義慧智出有大偽六親不知有孝慈國家昏亂有忠臣蘇子由注曰大道之隆也仁義行于其中而民不知大道廢而後仁義見矣世不知道之足以澹定萬物也而智惠加之于是民始以偽報之矣是六親方和孰非孝慈國家方治孰非忠信

堯非不孝也而獨稱舜無瞽叟也伊尹周公非不忠也而獨稱龍逢比干無桀紂也涸澤之魚相响以濕相濡以沫不如相忘于江湖得之必
補十九章曰六章之勤也二章之于其中而月
絕聖棄智民利百倍絕仁棄義民復孝慈絕巧棄
利盜賊無有此三者以為文不足故令有所屬見
素抱樸少私寡欲

聖智仁義者皆聖人所建以教之物也此物有精有粗得精是謂取物精是謂格物於是乎知至矣其粗者反之申生之於孝荀息之於忠貞卻至之於勇仁格物不精是以動有悔死有恥格物之道難哉况人主欲聖智仁義以治民者

一誤物則其害不億觀秦漢而來從政之所為其所謂聖智仁義殊異於先聖之聖智仁義是以欲治而亂欲利民却害之職不得格物之精之由也春秋時猶誤物者多矣况後世人乎素者無如斷焉遂合聖智仁義曰文不足者醒睡解迷之術也令有所屬者言人君能自見素抱樸少私寡欲則不令而行不言而信澹乎大化未是謂有所屬屬者小附著大之名也猶言託也深稱揚素樸少私之意於屬字可見也洪範休徵曰聖時風若咎徵曰蒙恒風若此以聖對蒙後世俗人以聖為多知之稱此所謂聖非言作者是曰聖之聖也

絕學無憂唯之與阿相去幾何善之與惡相去何
若人之所畏不可不畏荒兮其未央哉衆人熙熙
如享大牢如春登臺我獨泊兮其未央如嬰兒之
未孩儼兮若無所歸衆人皆有餘而我獨若遺
我愚人之心也哉沌兮俗人昭昭我獨若昏俗
人察察我獨悶悶澹兮其若海颺兮若無止衆人
皆有以而我獨頑似鄙我獨異於人而貴食母
後世聖人之道殆墜于地格物不明一誤物則
多少之憂患生于茲莫如絕學而後坤元順承
天也故曰絕學無憂唯者阿之始也阿者唯之
馴致也善者惡之漸化也此二句語格物之難

明也時俗未嘗知幽冥中有物宰制予奪天下
之吉凶而欲才學知計以取舍天下億萬之云
動是去畏遠矣老子側哀矜之欲鼓舞之使之
感而得其道故險危其言曰人之所畏不可不
畏也荒者廣莫貌央訓盡可也言吾所謂人之
所畏不可不畏者是亦語其大概也豈一言所
盡哉故曰荒兮其未央哉衆人熙熙如享大牢
如春登臺者形容世俗知計才學以為足之得
意自負也熙者如白猿搏矢熙之熙也古木泊
作魄因未央未孩之句考之則作魄為是矣魄
兮其未央者猶言魄未生魂故下曰如嬰兒之
未孩孩笑也儼猶繫史記曰繫若喪家

之狗言狗失處為他鄉群狗所困也此為無所
歸之形容其義同矣老子深知幽冥鬼神之不
可測才學知計非所得盡也故曰我獨魄兮其
未兆如嬰兒之未孩儻兮若無所歸以對眾
人之熙熙也下句法皆效之眾人皆有餘者言
其自負才智也我獨若遺我愚人之心也沌兮
兮沌者混沌之沌言不可名狀之愚也昭昭者
輝吾明也察察過詳貌悶悶胃中不豁貌我獨
悶悶澹兮其若海颺兮若無止者語為幽冥鬼
神之情狀不可測知之故恬澹優游以及坤元
順承天之時也眾人皆有以以如視其所以之
以解詳于格物我獨頑似鄙者言不能從眾人

熙熙也在易乾為天為父坤為地為母是以知
指坤元為母也執大象天下往而不害安平
大亦語坤元之道也其為道也至柔易行無災
不無害用之無窮故曰貴食母是為異於人至結
句始說我所道文辭簡亮高尚自喜如画
曲隄二十一章
孔德之容惟道是從道之為物惟恍惟惚兮恍
兮其中有象恍兮惚兮其中有物窈兮冥兮其中
有精其精甚真其中有信自古及今其名不去以
閱眾甫吾何以知眾甫之狀哉以此
孔德猶至德此章皆語易也道之為物惟恍惟
惚言著圓而神也惚兮恍兮其中有象言六十

四卦也恍兮惚兮其中有物言爻也窈兮冥兮
其中有精言精氣也自古及今其名不去言六
十四名也其中有信言吉凶不惑也以閱衆甫
猶言觀群言之首也閱訓觀甫訓大訓美訓始
天下之道無不自易也故云爾

歸之 二十二章

曲則全枉則直窪則盈敝則新少則得多則惑是
以聖人抱一為天下式不自見故明不自是故彰
不自伐故有功不自矜故長夫惟不爭故天下莫
能與之爭古之所謂曲則全者豈虛言哉誠全而
歸之 孔子曰尺蠖之屈以求信也龍蛇之蟄以存身

曰

也蠖屈者勢也龍蟄者時也王陵求直折其直
陳平知時勢之不可而能枉曲夫惟枉曲是以
身全志信故曰曲則全枉則直又曰誠全而歸
之天道虧盈而益謙地道變盈而流謙故曰窪
則盈敝則新成是以新故曰敝則新吾道一
以貫之故曰少則得多則惑是以聖人抱一為
天下式易曰明入地中明夷君子以莅衆用晦
而明故曰不自見故明書有其善則喪厥善故
曰不自是故彰又曰汝惟不矜天下莫與汝爭
能汝惟不伐天下莫與汝爭功故曰不自伐故
有功不自矜故長夫惟不爭故天下莫能與之
爭

二十三章

希言自然故飄風不終朝驟雨不終日孰為此者
天地天地尚不能久而況於人乎故從事於道者
道者同於道德者同於德失者同於失同於道者
道亦樂得之同於德者德亦樂得之同於失者失
亦樂得之信不足焉有不信焉
視之不見名曰夷聽之不聞名曰希搏之不得
名曰微由此觀之則希言猶言微妙之言也飄
風驟雨語天地之數也今夫好道得其道者豈
唯精氣之力哉冥冥中有同之樂之而啓之之
故也古之人皆知之故有天誘其衷良圖天啓
等之語也故曰從事於道者道者同於道又曰

不同於道又曰同於道者道亦樂得之也房石之
爽德協於丹朱則千載而猶馮其身是以君子
懋崇德孔子之於二三子惟德惟教苟吾德崇
則有德之鬼保佑之於是乎動无不吉雖千乘
之富三公之貴苟其德凶則凶德之魂魄馮依
之使之作為多少凶事是以縊死之橋下尋有
死者故曰同於德者德亦樂得之同於失者失
亦樂得之也是謂同聲相應同氣相求是謂天
地之際也是謂希言自然豈可不懼哉豈可不
慎哉此至蹟非信道之篤則不能觀其信也故
曰信不足焉有不信焉

二十四章

企者不立跨者不行自見者不明自是者不彰自
伐者無功自矜者不長其在道也曰餘食贅行物
或惡之故有道者不處
舉踵而望是謂企跨者兩股騎物之名故兩股
不相著亦是謂跨也企者不能久立跨者不能
遠行故以譬恃性之詐行不能久遠也自見自
是自伐自矜之不可與二十二章不自見自是
自伐自矜相映發說詳于彼章餘食贅行猶言
長物也物或惡之言真其中有物惡之也

二十五章

有物混成先天地生窅兮寥兮獨立不改周行而
不殆可以為天下母吾不知其名字之曰道強為

之名曰大大曰逝逝曰遠遠曰反故道大天大地
大王亦大域中有四大而王居其一焉人法地地
法天天法道道法自然

老子何以知道先天地生也曰一陰一陽謂之
道道天地亦一陰一陽是以知有道而後有天地
也一陰一陽之為物萬古不易周流六虛天下
一毫無不自此道生故曰寂兮寥兮獨立而不
改周行而不殆可以為天下母也苟從此道而
行則無所不行故曰字之曰道也此道也範圍
天地不遺故曰強為之名曰大於是乎無遠而
不至故曰逝又曰遠也旁行不流故曰反也夫
大人者與天地合其德故曰王亦大域中有四

大而王居其一焉人之為物雖受命于天而食地以全其生者也非坤元順承天不可也故曰人法地也坤元之行也建元而右行者也故曰法天也天之為道也無不一陰一陽故曰天法道也一陰一陽之相生不知何故蓋天地之自然而已故曰道法自然也

二十六章

重為輕根靜為躁君是以聖人終日行不離輜重雖有榮觀燕處超然奈何萬乘之主而以身輕天下輕則失本躁則失君

重為輕根譬諸草木靜為躁君譬諸四肢役於心是皆論物理以明重靜之可貴也輜重衣食

之車不離猶不違也老子之道虛其心實其腹故曰是以聖人終日行不離輜重也既虛其心榮觀何為不如嚮晦入冥息故曰雖有榮觀燕居超然也奈何萬乘之主而輕其身以僥倖天下乎輕則失為本之義躁則失為君之道

二十七章

善行無轍迹善言無瑕譎善數不籌策善閉無關鍵而不可聞善結無繩約而不可解是以聖人常善救人故無棄人常善救物故無棄物是謂襲明故善人者不善人之師不善人者善人之資不貴其師不愛其資雖智大迷是謂要妙
加美以鹽梅之和天下皆甘食之是謂善故文

美曰為善也於是乎盡美矣未盡善之異可見矣此所謂善者言無上之美也大哉堯之為君唯天為大唯堯則之蕩于民無能名焉無能名者是善行無轍迹之故也莊子言曰為善無近名為惡無近刑子夏曰小德出入可若莊子之言其蔽至小惡為无傷而弗去若子夏之言與不矜細行終累大德之聖語相反二者不可無瑕謫也孔子教二三子其言無瑕謫况於周易乎古之所謂善戰者勝易勝者故善戰者之勝也無智名無勇功是謂坤元順承天故曰善數不籌策懷德惟寧宗子推城又曰有德不可敵其德歆神人於是乎鬼神為之關鍵何物狡

兒能開之故曰善閉無關鍵而不可開夫會盟者所以結好固約也後世屢盟無信朝盟夕背聖人不然德以歆神人天下諸侯畏且愛之當此時雖有一二讒慝惡得間之故曰善結無繩約而不可解是以者承上起下之辭猶言然故也夫使戚施直縛籐籬蒙矜侏儒扶盧矇跛修聲聾聵司火僬僂實齋土官食之故曰常善救人故無棄人夫金玉之為物寒不可衣餓不可食而天下以死爭之則聖人因之琢磨為圭璧範金為布貨於是乎天子富有百姓蒙澤是謂常善救物故無棄物也聖人已知金玉之不可衣食知而因民之貴而貴之因民之利而利之

是謂襲明襲明者襲我明也在周易象曰明入地中明夷君子以莅衆用晦是之謂也善人者不善人之師不須注釋可知焉不善人者善人之資此語最妙矣為湯武驅民者桀與紂也則桀紂之不善則湯武之所資而作也故曰不善人者善人之資也文次貝為資次者造次次師之次貝者貨也故訓賴訓馮訓託訓取訓稟訓用

二十八章

知其雄守其雌為天下谿為天下谿常德不離復歸於嬰兒知其白守其黑為天下式為天下式常德不忒復歸於無極知其榮守其辱為天下谷為

天下谷常德乃足復歸於樸樸散則為器聖人用之則為官長故大制不割曰不下不為也
將雄者乾道也雌者坤道也坤者得乾而成者也乾亦須坤者也乾太象所謂君子自彊不息言求在我者也坤順承天者言求在外者也自古創業之聖主皆因此道是以天下無不歸之物故曰知其雄守其雌為天下谿者萬物之歸處也彖曰安貞之吉應地无疆故曰為天下之谿常德不離也牝馬地類行地无疆柔順利貞君子所行夫嬰兒從傳母猶牝馬順圉者之使令故曰復歸於嬰兒以上皆語坤元之無災無害吉无不利也知其白守其黑為天下之式蓋

取諸晉與明夷晉象曰明出地上晉君子以自
昭明德明夷象曰明入地中明夷君子以莅衆
用晦而明自昭明德知其白也莅衆用晦守其
黑也無極猶無窮夫辭貴居賤辭富居貧者謙
之道也天道虧盈而益謙地道變盈而流謙鬼
神害盈而福謙故曰知其榮守其辱為天下谷
為天下谷常德乃足也謙之至無意於榮觀故
曰復歸於樸樸之為物劉夔為器則無所不中
用故曰樸散則為器聖人用之則為官長也古
聖人以貴治賤自鼎刑吏觀之則何其無町畦
其貢者禹之税法孟子猶曰不可況後世以智
矣治國庸主猾吏乎殊不知以貴治賤與校數歲

中貢者所謂太制不割之尤者也

將欲取天下而為之吾見其不得已天下神器不
可為也為者敗之執者失之故物或行或隨或歛
或吹或強或羸或挫或隨是以聖人去甚去奢去
泰漢高之業出于不得已是以成無悔項羽始于
殺會稽守是欲執而失之者也秦漢而來至明
末之庸主暗君誰不知天下敗則身後之乎而
敗者其故雖多端要不知天下神器而以人力
為之之由居多宋明衰世尤甚矣故曰為者敗
之執者失之其故何也曰幽冥中有物使然也

行隨歎吹強羸挫隳之。物者語有物鼓舞折
挫之形容也。神者不可測之名。其唯不可測是
以聖人去甚去奢去泰以待神之。所為也。此三
物者神之所惡也。故去之。不煩。良。於。之。者。而
卷三十一章 吳。於。而。夫。之。亦。也。秦。而。未。也。則
以道佐人主者不以兵強天下。其事好還。師之所
處荆棘生焉。大軍之後必有凶年。善者果而已不
敢以取強。果而勿矜。果而勿伐。果而勿驕。果而不
得已果而勿強。物壯則老。是謂不道。不道早已。
兵猶火也。弗戢將自焚。故曰其事好還也。好還
猶言好報。荆棘生有凶年者。民多死亡且害農
時之故也。善者言善戰者也。管子內業曰德成

而智出萬物果得房注曰以智安物物皆得宜
以此說考之果訓得當可也此章所謂果及味
一不果腹猶果然之果僉可訓得當矣不道早
已言不道之暴興忽諸滅也

